

Marco, i quali de questa nova comission habino medesimamente ad far tenir uno novo libro *cum* el registrar di testamenti over ponti di quelli, a notation di cavedali de cadauna commessaria, reduiti a ducato per ducato, et de li pro' se troverano. Et *similiter* de l' investida et compreda che se farà del tratto di prediti cavedali. Et habino essi Procuratori de san Marco ad far investide et comprede li parerà, si per i cavedali conditionadi, over tratto de quelli, come de li pro' che per qualche institution havesseno ad incorporarse *cum* i cavedali preditti et crescere sopra quelli, per el tempo fusse obligation, come nel capitolo de le Procuratie se dice. Et se 'l ne sarà Comissarii de li testamenti de privati se faza le investide et comprede *cum* notitia et consiglio de quelli; et se 'l nou ne fusse, *cum* notitia e consiglio de li heriedi. Per li monasterii veramente, hospedali, scole picole et altri, aldano parimente el consiglio et parer de li procuratori de quelli, acciò che tutto prociedi consultamente, et *cum* universal contentamento.

El tener se debbi in essa Procuratia distincto et particular conto de li danari se riceverano, et de le comprede se farano, sichè cadauno possi veder le rason sue, dechiarando che investidi che sarano li cavedali conditionadi, over el tratto de quelli de pri-
55 vati, de monasteri, de hospedali, Scuole picole de questa terra, et de altri, come è ditto, li Procuratori nostri de san Marco prediti siano liberi dal cargo che per la presente parte li è dato; ma solo habino a procurar la conservation de quanto sarà comprado et investido, *cum* le ubligation et conditione del fideicomisso anotade a beneficio et utilità de quelli a chi spettano, et di li posteri.

La exaction ed aministration veramente de l'intrade, et frutti provenienti da li prediti fondi investidi, sia de quelli de chi era l' administration et exaction de li pro' di Monte novo de le stesse raxon, juxta le institution de testamenti et altre ordination sopra quelli disponenti, remanendo a cadauno a chi apartenirà facultà da poter far crear li stessi Procuratori di san Marco fornitori de li sopraditti testamenti de privati etc., de li qual mancasseno li commissarii per compita execution di quanto restasse a exequir, justa la forma de le leze nostre. Li nodari et gastaldi di essa Procuratia, per la fatica se farà in tal opera, habino di quello se investirà et comprerà, de li danari contadi se scuoderano ed intrerano in essa Procuratia, mezo per cento solamente, nè altra spesa in essa Procuratia possa havere i cavedali preditti. Et perchè manifestamente se cognosce che ne

le comprede de li beni di la Signoria nostra, che sarano venduti al publico incanto per ministri publici, non se potrà cometter fraude et danno de alcuno, sia dechiarito che li comissarii, heriedi, et usufrutuarii presenti de ditti cavedali conditionati de private persone possino comprar de tutti li beni de la Signoria nostra che sarano venduti per la francation del Monte novo, senza altra licentia di Procuratori de san Marco prediti, essendo però obligati li commissarii, heriedi, et usufrutuarii stessi, de le comprede farano darne noticia a li Procuratori de san Marco prefati, acciò se ne possi far nota nel libro soprannominato che se tenirà a la Procuratia. Dechiarando che, se per alcun testador fusse stà provista la franchation del Monte novo, et per el suo testamento havesse dato ordine de quanto se avesse ad exequir, in questo caso non se intendi per la presente parte esser derogado a tal institution et ordine; ma quello sia exeguito justa la forma del testamento, remanendo *in reliquis* la presente parte ferma et valida, come di sopra è ditto.
55

Die 24 Marcii 1509, in Rogatis.

56

Sier Lucas Tronus sapiens Consilii.

Vuol che hessendo ben conveniente proveder a li cavedali ben conditionadi de Monte nuovo, el sia per autorità di questo Conseglio deliberato che li ditti cavedali conditionadi, si de le Procuratie come de le Scuole grande, di chiesie, di monasterii, de commissarie, de hospedali, di Scuole picole e di tutte altre particular persone *nemine excepto*, over el trato de quelli se debbano investir in tanto stabile in questa nostra citade, over in possession di fuora, *aut* in altri fondi con le condition che haveano ditti cavedali, et se 'l non fusse de li pro' che per ordination di testadori fossero conditionadi, simelmente siano investiti tal prò come si farà cavedali; le quali investition et comprede siano fate per li Procuratori nostri, per li guardiani et officiali di le Scuole, per li priori, commissarii over altri a chi perteniva el governo de li preditti cavedali conditionadi, justa li ordini di testadori over altre institution sopra quelli fate. Ma poichè se atrovano alcuni cavedali conditionadi, i quali per esser in poca summa et quantità non se potrano farsi investir ne li stabeli, possession et fondi sopraditi, però sia statuido che li cavedali conditionadi over el trato de quelli, da ducati 2000 di quella moneda in zoso, se possano *etiam* investir in tanto Monte novissimo.